



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniiis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

§. 1. De restitutione dotis soluto matrimonii vinculo.

[urn:nbn:de:hbz:466:1-73058](#)

ipse sit Clericus, & tantum habeat redditus beneficii; cum sit opus pietatis, & iuri naturae maximè consonum, teste Castropalao cit. n. 6. Colliges 2. cum hæres succedit in reales obligationes defuncti, eum tenebat eos dotandos, ad quos tenebatur defunctus, obligatum esse, ut colligitur ex L. Postulante. ff. ad Trebellian, intellige tam secundum mensuram bonorum, in qua succedit; sic Rebellus l. s. q. 4 n. 7.

ARTICULUS II.

De dotis restitutione.

1779. Agimus hic de dotis restitutione soluto matrimonio, quoad vinculum, quod variis modis fieri potest, secundum dicta ante n. 1609. a. 6. de divortiis. Cæterum de casu soluti matrimonii solùm quoad thorum, & cohabitationem (consequenter dotis amissione, vel recuperatione in ejusmodi casu) egimus à n. 1585. de illo autem casu matrimonii soluti quoad vinculum, sic loquitur. c. fin. b. t. Sane soluto matrimonio, sicut dos ad mulierem, sic & donatio propter nuptias redit ad Virum: nisi de consuetudine seculi obtinet, vel ex pacto de lucranda dote, vel donatione propter nuptias, quod equaliter sit, cum hinc inde contrarium judicatur. Ex hoc textu colligitur, soluto matrimonii vinculo (ut in casu, quo moritur unus conjugum) dotem Uxori, vel ejus hereditibus; & donationem propter nuptias marito restituendam esse, nisi aliud constitutum sit, vel consuetudine, vel ipsorum pacto; his praemissis:

§. 1.

De restitutione dotis soluto matrimonii vinculo.

1780. In hac quæstione communis sententia est, si contingat matrimonium, quoad conjugale vinculum (declaratione nullitatis) ex justa causa, nimirum ob impedimentum dirimens, prius ignoratum, separari, dotem uxori restituendam esse, ut communiter volunt authores ex c. Mulières, b. t. quamvis revera iste canon non loquatur de hoc casu matrimonii putativi, sed tantum veri; suadet tamen ratio. Cum enim dos sit accessoria matrimonio, nimirum ad ejus onera sustinenda, ut dici-

tur. c. Salubriter. 16. b. t. sublato principali, quo tales conuges redduntur sue libertati immunitatis à conjugali vinculo, per Ecclesiæ declarationem; redditur illis pariter libertas in accessorio, nimirum receptione dotis.

Circa datam responsionem quæres. 1. 1781.

an in dato casu dos integra restituui debeat Uxori? Resp. quod ei restituui debeat, non tantum dos integra, sed etiam reliqua bona, viro allata, causâ matrimonii, imd & lucra communiter acquisita, ex æquo divisione factâ. Constat ex c. significavit. 2. de donat. inter Virum & Uxorem, ubi Pontifex judicibus delegatis mandavit, ut virum, qui mulieri, ex iusta causa solutæ à vinculo putativi cum eo matrimonii, recusantem ei dotem, & reliqua bona communiter acquisita, etiam per censuram Ecclesiasticam compellant ad dotis restitucionem, & corum divisionem, quæ olim communiter habuerunt, si nihil aliud obstat.

Dices 1. maritus, etiam soluto matrimonio, non tenetur quoad restitutio- 1782. neni bonorum facere ultra id, quod face- re potest, ut dicitur L. maritum. 33 ff. solut. matr. & L. Non tantum. 20. ff. de re judi- cata; ergo nec in hoc casu tenebitur ad re-stitutionem dictorum bonorum. Resp. ve- rum esse, quod dicitur, de Maritis veris, non putativis. Nam dictæ leges marito concedunt hoc præ privilegium, ob reveren- tiam matrimonii, seu maritalem, ut colli- gitur ex L. unic. §. Cum autem. C. de Rez Uxor. act. at in hoc id deficit, cum matri- monium nullum sit; ergo.

Dices 2. si Maritus in dato casu te- 1783. neretur Uxori restituere omnia allata sibi ab Uxore bona cum lucro communiter acquisito, esset ex eo, quod jure communi- ni per matrimonium inter Virum & Uxo- rem esset contracta, saltem tacita societas ad dimidium lucri; sed multò verius est contrarium, ut complures docent cum Barbofa in dicitur. c. significavit. 2. b. t. à n. 7. ergo. Resp. quidquid sit in præsenti, de illa quæstione, quæ dicitur verior oppo- sitâ, per textum hujus c. saltem hoc evin- ci, quod vir matrimonio soluto cogatur Uxori dotem restituere, & bona dividere, quæ eis communiter obvenerunt constan- te matrimonio, donatione, legato, empto.

utriusq; pecunia, vel simili titulo, etiam si non intercesserit contractus societatis civilis, juxta L. Ilt. ff. pro Socio, & §. Item, si inter, Inſtit. que ex quaſi contrac̄tu. Sic Abbas in cit. c. n. 3. & alii.

Dixi, si contingat matrimonium ex iusta causa separari, propter impedimentum prius ignorantum. Nam, si scienter (ambo) contraxerunt cum impedimento dirimenter, perdere debent, quidquid unus alteri dedit, & fiscus lucratur, nisi excusentur per errorem, vel minorem atatem. L. qui contra; & Authent. Incestus. C. de incesto. Nupt. junct. Gloss. V. licita; ita Pirhing; de donat. inter Vir. & Uxor. num. 27.

1784. De reliquis antem bonis (sicut sunt Sponsalia largitas, morgengeba, seu matutinalis donatio) & similibus, dicimus infra. Illud hic annotandum videtur, hæc bona, cum celebratur divorcium solius thori, & cohabitationis perpetuum, vel causa adulterii, vel ex alio capite, iudicio Ecclesiæ concedentis divorcium perpetuum, ab adultera, vel Reo (cujus nimisculpæ fit divorcium) non amitti, nec accrescere innocentium quia id nullo juris texu dispositum reperitur; tamen quia causa dandi, ut suppono, nimisrum, secutum matrimonium, & pudicitia delibatio, secura est; nec sicut dos, & donatio propter nuptias ad onera communia, seu conjugalia sustinenda ordinantur.

§. 2.

An soluto matrimonio dominium dotis, ipso jure, transeat in Uxorem?

1785. Quæstio est, an, soluto matrimonio, dominium dotis, ipso jure transeat in Uxorem, si dos marito tradita fuit *inestimata* in rebus immobilibus, & corporalibus, nec in rebus functionem recipientibus? Resp. affirmativè, ut dicitur L. In rebus. C. de jure dot. Et ideo Uxor eam, tanquam rem propriam tum ab hereditibus mariti, tum à quocunq; alio possessore vindicare potest, ut cavetur in cit. lege; sic Castropalaus tom. 7. de Just. commut. D. 9. p. 20. §. 1. n. 1. Si autem dos marito tradita fuit *estimata* estimatione faciente vendi-

tionem, quæ stat in rebus mobilibus, aut incorporealibus (ut sunt jura) vel immobilibus corporalibus, vel certa summa in valore restituenda, restitutio ex obligacione non statim facienda est, sed intra annum, nisi aliter conventum sit, per L. unic. §. Exæctio. C. de Rei Uxor. act. intelligatamen, si maritus sit solvendo. Nam feci ex benignitate juris quælibet res in doto, sive æstimatam, sive inæstimatam, revertuntur ad Uxorem; quia sub hac conditione (si sit solvendo) marito tradita sunt. L. In rebus. C. de Jure dot. junct. gl. ibid. & quidem jure prælationis, de quo aliud.

§. 3.

Ad quem soluto matrimonio pertinet fructus dotis?

Resp. si matrimonium, quoad vinculum solvatur morte alterius, vel ex alia iusta causa v. g. declaratione nullitatis factâ per Ecclesiam, dotoem *integrâ* (secundum n. 1764.) esse restituendam cum lucris constante matrimonio communiter acquisitis, ut dictum est n. 1781. Si autem fermo sit de fructibus dotis, consistentis in re frugifera, & inæstimata, ii pertinent ad Uxorem à die soluti matrimonii, in ceteris ad maritum. Usus autem juriū, & dotis in summa consistentis, eo tempore, quo non est obligatio vel ex pacto, vel ex lege restituendi dotoem, spectat ad maritum, ac ejus heredes per cit. L. unic. §. Sin autem. C. de rei Uxor. act.

Si quæras, quid dicendum quoad dotis restitucionem in casu, quo declaratio ne nullitatis, per Ecclesiam solvitur con jugale vinculum, malâ utriusque, vel unius fidei, nulliter contractum? Resp. ad hoc constare ex dictis à num. 1783. & seq. Si quæras. 2. an Uxor in casu, quo Maritus, vel ejus heredes intra tempus constitutum dotoem non solvunt, possit agere ad interesse? Resp. quod sic; nam hoc habet quivis creditor, nec in hoc Uxor est deterioris conditionis; sic Molini de Jure, & Just. D. 442. & colligitur ex cit. L. unic. §. Sin autem.

